



TOSHKENT DAVLAT YURIDIK UNIVERSITETI REKTORINING B U Y R U G ‘ I

2021 yil «4» fevral

08-21-son

Ўзбекистон Республикаси Президентининг 2021 йил 28 январдаги “Интеллектуал мулк объектларини муҳофаза қилиш тизимини такомиллаштириш чора-тадбирлари тўғрисида”ги ПҚ–4965-сон қарори ижросини таъминлаш тўғрисида

Ўзбекистон Республикаси Президентининг 2021 йил 28 январдаги “Интеллектуал мулк объектларини муҳофаза қилиш тизимини такомиллаштириш чора-тадбирлари тўғрисида”ги ПҚ–4965-сон қарори ижросини таъминлаш ҳамда Тошкент давлат юридик университетида интеллектуал мулк муҳофазаси соҳасида ўқув-методик ва илмий-тадқиқот ишлар самарадорлигини ошириш мақсадида

Б У Ю Р А М А Н:

1. Ўзбекистон Республикаси Президентининг 2021 йил 28 январдаги “Интеллектуал мулк объектларини муҳофаза қилиш тизимини такомиллаштириш чора-тадбирлари тўғрисида”ги ПҚ–4965-сон қарори (кейинги ўринларда – қарор) маълумот ва ижро учун қабул қилинсин.

2. Қарор билан:

Интеллектуал мулк муҳофазасини мустаҳкамлаш ва замонавий ахборот-коммуникация технологияларини жорий этиш бўйича «Йўл харитаси»;

Интеллектуал мулк (ихтиро, фойдали модель, саноат намунаси, селекция ютуқлари) соҳасини ривожлантириш бўйича 2021 — 2023 йилларга мўлжалланган амалий ишлар дастури тасдиқланганлиги инобатга олинсин.

3. Интеллектуал мулк ҳуқуқи кафедраси (Ш.Хўжаев):

2021/2022 ўқув йилида илғор хорижий тажриба асосида ҳамда ёш авлод орасида ижодкорларнинг меҳнатига бўлган ҳурмат ҳиссини шакллантиришга қаратилган интеллектуал мулк фанлари жорий этиш бўйича таклифларни университет раҳбариятига киритсин;

икки ойлик муддатда Бутунжаҳон интеллектуал мулк ташкилотининг (БИМТ) академик ва илмий-техникавий муассасалар учун интеллектуал мулк соҳасидаги сиёсати бўйича Намунавий низомига асосан университетнинг **интеллектуал мулк соҳасидаги сиёсати** лойиҳасини ишлаб чиқсин;

дарс машғулотларини ўтказишда ҳамда илмий тадқиқот фаолиятини олиб боришда мазкур қарорнинг мазмун-моҳиятини ёритишга алоҳида эътибор қаратсин;

мазкур қарор мазмун-моҳиятидан келиб чиқиб, тегишли илмий тадқиқот мавзуларини шакллантиришда инобатга олсин;

жорий йилнинг апрель ойида “26 апрель – халқаро интеллектуал мулк куни” муносабати билан **давра суҳбати** ўтказилиши юзасидан тегишли таклифларни университет раҳбариятига киритсин.

4. ТДЮУ ҳузуридаги Профessional ўқитиш маркази (А.Якубов) масофавий (онлайн ва офлайн) тарзда:

тегишли давлат ва хўжалик бошқаруви органларининг интеллектуал мулк соҳаси бўйича фаолият юритаётган ходимлари учун қисқа муддатли ўқув курсларининг ташкил этилишини;

жойлардаги юридик факультетлар билан биргаликда ҳудудлар кесимида тадбиркорлар, давлат органлари ва ташкилотлар вакиллари, олий таълим ва илмий-тадқиқот муассасалари ходимларини интеллектуал мулкни яратиш ва ҳимоя қилиш асослари, тижоратлаштириш, брендинг ва маркетингга ўқитиш бўйича ўқув курслар фаолияти йўлга қўйилишини;

ўқув жараёнига, заруратга кўра, интеллектуал мулк ва унинг ҳимояси, тижоратлаштириш каби соҳаларда катта тажрибага эга бўлган хорижий экспертларни жалб этиш чоралари кўрилишини таъминласин.

5. Интеллектуал мулк ҳуқуқи кафедраси (Ш.Хўжаев) Бухгалтерия (М.Парпиев) билан биргаликда 2021 йил 1 июнга қадар университетга тегишли бўлган интеллектуал мулк (муаллифлик ҳуқуқи, турдош ҳуқуқлар ва саноат мулки) объектларини тўлиқ хатловдан ўтказиб, уларни бухгалтерия ҳисобида акс эттирилишини таъминласин.

6. Девонхона (Х.Абдуллаев) мазкур буйруқни барча таркибий бўлинмалар эътиборига етказсин.

7. Мазкур буйруқ ижросини назорат қилиш ўқув ишлари бўйича проректор – ТДЮУ қошидаги академик лицей директори И.Рустамбеков ва проректор в.б. А.Иминов зиммаларига юклансин.

Ректор



Р. Ҳакимов